

Headline	Keputusan warta semula HSKLU bukti Kerajaan Selangor dengar keluhan rakyat		
MediaTitle	Sinar Harian		
Date	10 Sep 2021	Color	Full Color
Section	Nasional	Circulation	140,000
Page No	12	Readership	420,000
Language	Malay	ArticleSize	268 cm ²
Journalist	N/A	AdValue	RM 5,682
Frequency	Daily	PR Value	RM 17,046



Keputusan warta semula HSKLU bukti Kerajaan Selangor dengar keluhan rakyat

SHAH ALAM - Keputusan kerajaan negeri Selangorewartakan semula Hutan Simpan Kuala Langat Utara (HSKLU) yang sebelum ini akan dibangunkan untuk projek komersial disifatkan sebagai satu perkembangan sihat dan mewujudkan keadaan menang-menang.

Felo Utama Lestari Universiti Kebangsaan Malaysia (UKM), Profesor Emeritus Datuk Dr Ibrahim Komoo berkata, keputusan terakhir itu memberikan kelegaan kerana keluhan rakyat didengar.

"Bukan semuanya akan diwartakan semula tetapi sebahagian kecil akan diperuntukan bagi penempatan orang asal dan jajaran lebuh raya.

Kedua-duanya untuk kepentingan awam. Kawasan yang hendak dibangunkan untuk projek komersial dibatalkan dan diwartakan semula.

"Kita bercakap mengenai kawasan hutan gambut yang sangat terhad di Selangor, kebanyakannya telah dibuka untuk pembangunan. Hutan gambut mempunyai fungsi penting untuk perkhidmatan alam sekitar dan kawalan banjir.

"Jaminan hutan gambut yang bakal diganti untuk diwartakan asal, diwartakan juga adalah satu tindakan proaktif yang bijak,"



IBRAHIM

katanya kepada *Sinar Harian* pada Khamis.

Beliau berkata demikian ketika diminta mengulas mengenai kenyataan Menteri Besar Selangor, Datuk Seri Amirudin Shari pada Rabu yang memaklumkan bahawa kerajaan negeri akan

memulakan prosesewartakan semula HSKLU.

Kawasan gantian yang diwartakan sebagai Hutan Simpan Kekal seluas 581 hektar di Sungai Panjang, Ampang Pechah dan Bukit Broga akan kekal statusnya sebagai Hutan Simpan Kekal.

Mengulas lanjut, Ibrahim berkata, ketetapan yang dibuat kerajaan negeri itu adalah satu keputusan yang sukar.

"Saya fikir, kerajaan telah membuat keputusan yang sukar. Hutan yang telah dinyahwartakan, kini diwartakan semula. Ini satu tindakan yang sukar dan kerajaan Selangor telah menunjukkan keprihatinan tinggi," katanya.

Pada masa sama, beliau menegaskan sebarang isu alam sekitar memerlukan penglibatan pihak yang

tidak mempunyai kepentingan.

"Jika terdapat isu alam sekitar dan kelestarian, ulasan jabatan teknikal dan pakar yang tidak mempunyai kepentingan perlu diraih. Malah keputusan itu juga perlu memberikan perhatian tinggi kepada kepentingan awam," kata Ibrahim.



Laporan *Sinar Harian* pada Khamis.